

Sarajevo U Hrvatskoj i BiH tokom rata raseljeno tri miliona stanovnika

SARAJEVO - Kao posljedica etničkog čišćenja u periodu od 1991. do 1995. godine u Hrvatskoj i BiH raseljeno je skoro tri miliona stanovnika, navodi se u međunarodnom istraživačkom projektu "Inicijativa naučnika".

"Riječ je o smišljenom i planiranom djelovanju jedne etničke ili religijske grupe koje ima za cilj uklanjanje civilnog stanovništva drugog etnokonzfesionalnog porijekla s određenih geografskih prostora i to upotrebom zastrašivanja i nasilja", navedeno je u zaključcima istraživanja pod nazivom "Etničko čišćenje i ratni zločini", u kojem je učestvovalo više od 300 naučnika iz cijelog svijeta.

Direktor projekta, američki historičar Carls Ingrao, kazao je da je cilj projekta neutralno sagledavanje nedavne prošlosti na ratom zahvaćenom prostoru bivše Jugoslavije.

"Inicijativa naučnika" zaključuje da su 'etničko čišćenje' i ostale zločine činile sve strane u sukobu, iako postoje velike razlike u težini i obimu".

Istraživači tvrde da su najveći dio zločina počinile srpske snage protiv Bošnjaka od aprila do oktobra 1992. godine, te u manjem obimu protiv Hrvata. Hrvatske snage, kažu u "Inicijativi naučnika" sprovele su kampanje etničkog čišćenja protiv Srba u istočnoj i zapadnoj Slavoniji i Krajini, te protiv Bošnjaka u Mostaru i centralnoj Bosni. U nekoliko slučajeva, navodi se u istraživanju, bošnjačke snage su viktimizirale Srbe u BiH, ali u znatno manjoj mjeri od ostalih zaraćenih strana. (Fena)

POSLEDNJA VIJEST

London
Klimatske
promjene
negativno
utiču